



Information & Public Relations Department
Serchhip District: Serchhip

☎ 03838-226217
Tele-Fax: 03838-226218
Email: diproserchhip@gmail.com

PRESS RELEASE

PR (SCP) No. 84/2021

SERCHHIPAH PUANTAH LEH PUANBAN ZIRNA HAWNG



Dated Serchhip, the 11th March, 2021: Vawiin chhun dar 11:00 khan District Industries Centre Serchhipah Article 275(1) of the Constitution of India hnuai thla 3 chung awh tur Puanban leh Puantah zirna chu Pu Lalmuansanga Ralte, Addl. DC Serchhip chuan a hawng.

Pu Lalmuansanga Ralte chuan hawna thu sawiin khawvel ram dang mite hmuha Mizo hnamzia phochhuahna fawng vawntu pawimawh tak pakhat chu Puantah (Handloom) anih thu a sawi a. Article 275(1) of the Constitution of India hnuai Puanban leh Puantah zir tura thlan te chu an vanneih thu sawiin, eizawna atan Kut themthiamna neih a pawimawh tak zet a ni, a ti a. Zirlaite chuan an thil zir puitu atana tunlai thiamna technology hmang tangkai thiam tur te, tumruhna leh taihmakna leh tihtakzetna nen eizawna tlak thiamna tak tak neia hlawhtling taka inzirchhuak vek tura fuihin duhsakna a hlan a ni.

Thla 3 chung awh tur Puanban leh Puantah zirna ah hian Serchhip khawpui veng hrang hrang atanga thlanchhuah mi 23 te chuan a thawhkhat nan Pi S. Engzikpuii, Master Trainer hovin Puanbanna Khawl leh Puantahna khawl 5 hmangin Training bul an tan nghal a ni.

Training hawna hun hi Pi Elizabeth Lalremthangi Hmar, Functional Manager, DIC Serchhip in kaihhruiin, District Industries Centre hmalakna leh hmachhawp tlangpuite a sawi a. Pu C. Lalthakima, Training Supervisor in report tawi pe in, Pu Laltanpuia, DIC Serchhip chuan lawmthu a sawi a ni.

Pr No. 84/2021 (SCP) Dated Serchhip 11th March, 2021
Issued by District Information and Public Relations Officer; Serchhip District, Serchhip.